



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXII.

2. Aprilis. 4. Nonas.

urn:nbn:de:hbz:466:1-45295

habuerint; ut citius ad misericordiam videntis animus inclinetur.

2. Aprilis. 4. Nonas.

Obijt
anno
1201.

Senio-
res ve-
nera-
tur, &
imita-
tur.

Semper
altilius
promo-
vetur.

B. PONTI: qui in cœnobio Grandis-Silvæ cum ritus S. Ordinis ad disceres, cernerésque longam ibi seriem venerabilium senum Chori sessilia implere; in eos potissimum intendisti. Atque ut altiùs in eorum vivendi methodum, mox imitandam, penetrares; omni genere obsequiorum & cultus eos studebas tibi devincire. Reddebat hæc silva sinè mora voci defiderij tui, echonis adinstar, vocem amoris: dum quilibet in te suas virtutes mirabatur, & sinè invidia diligebat. Id tum maximè patuit, quando Abbatidemortuo te unanimis omnium consensus successorem declaravit. In qua cura non solùm filijs monasterium, sed & cœlum auxisti. Nam quadraginta, & ampliùs, cum paterna tua benedictione decedentes, beatitudinem, qua fruarentur, tibi per visum ostentabant. Ita locuples prole & meritis, honoribus quoq; cumulatus es: primùm Abbas Clarævallis (post BERNARDUM quintus) Episcopus inde Claromontensis

tensis creatus: claris ubique locorum
nominibus, nec tamen sanctimonie
fameque claritudinem adæquantibus.
Magnæ molis negotia inter summos
terræ principes, Alexandrum nempe
III. & Fridericum Imperatorem suc-
cessu prospero peregisti. *Unum mihi in-*
cumbit, & id quidem gravissimum nego-
tium: dicenda causa coram Deo Judice.
Tu Processum illum ita dispone, ut ex mea
parte stet misericordia: causâ enim cecidi,
si sola Justitia in me ferat sententiam.

Nego-
tium
grave,
reddere
ratione
DEO.

B. GERARDE, portæ Claræval-
lensis custos. In quo labore omnibus
te præbuiti humanum & mitem: in
pauperes liberalem: orationis studio-
sissimum. Ad cœli denique portam
evocatus, tuam ibi felicitatem Germa-
no monacho, unâ cum S. Joanne E-
vangelista apparens, ostendisti. *Sim &*
ego pervigil custos portarum anime meæ.
Quinque sunt janue, sensus mei externi:
per quas, non ritè obdūctis pessulis, me
hostem immisisse, heu! quoties pœnituit!

Circa
annum
1190.

Custo-
dia sen-
suum

B. BERNARDA, Abbatissa mo-
nasterij S. Spiritûs de Olmedo in Hi-
spania, miræ puritatis, & sanctimonie
virgo: quæ sæpissimè media inter cæ-
teras sanctimoniales orans, aut psal-
lens, ultra cubiti altitudinem à terra
attollebaris. Eluctabatur scilicet ad
suam

Obijt
anno
1595.

244 ANNI CISTERCIENS.

suam originem seraphicus ignis divini amoris, qui in pectore tuo ardebat irrequietus, donec post raptus sublimes, & ferè quotidianos, mors viginti antè diebus præscita te cœlitibus conjunxit.

Oratio. *Eleva sanctissimis precibus tuis frigidas, arentes, & distractionum pondere prægraves, orationes meas. Quamvis enim non sit speciosa laus Dei in ore peccatoris; te tamen conciliatrice, cor contritum non despiciet Divina clementia.*

S. BERNARDUS, ser. 18. in Cant.

Orationis effectus. *Oratio humectat interiora arentis conscientia; escas bonorum operum digerit, & deducit per quadam anima membra: fidem roborans, spem confortans, vegetans ordinansq; charitatem, & impinguans mores.*

3. Aprilis. 3. Nonas.

Floruit circa annum 1280. **B. HERMANNE**, Villarij Conventus, qui pauperum ministerio deputatus, mira promptitudine animi totum piæ huic curæ impendisti. Majori gaudio non afficiebaris, quàm si mendicabula, datis è monasterio pannis, meliore amictu donare licuit, quàm ille fuerat